

華府嘗試集

第 93 期 本刊作品如有涉及時評者，乃作者個人意見，與華府詩友社立場無關。

編輯順序：原則上，本刊之編輯順序為詩（近體詩之七律、五律、七絕、五絕、古體詩）詞、曲、簡體詩詞（現代詩詞）

中華民國一百年元旦 陳新雄

平明遙指五雲看。一百年來寸寸丹。
合見少康光夏甸，莫隨趙構避臨安。
驅貪欲淬新剛劍，布政當求北斗冠。
應使中華民國號，長天永在不容刊。

回美途經歐湖島有感 張暢繁

東岸家園今雪白，歐湖島上綠如春。
柳枝輕曳思裙舞，碧浪低吟觸路人。
暮色依依雲作畫，斜暉脈脈水延伸。
跨洋涉足難窮目，喜見凡間遠濁塵。

註：歐湖島 (Oahu) 是夏威夷群島中之第三大島

長生 張暢繁

君問長生我不知。非賢非聖只猜疑。
微塵劫草涵深理，地府天堂啟邃思。
讚美修行神易倦，誦經祈福意難持。
全心奉獻無求報，充實今朝樂此時。

承德避暑山莊 許翼雲

雄主治邊謀略洪，經營塞北建離宮。
羈縻蒙藏佛堂裡，鍛煉八旗圍場中。
草地王公勤聚會，關東鐵騎偶張弓。
金戈玉帛交相濟，海宴河清宇內同。

倫敦遊 夏曙芳

巴士雙層街上走，鮮花吊掛任風騷。
白金漢外遊人湧，泰晤河心碧浪滔。
塔外悠悠飄怨魄，寺中凜凜葬強豪。
大英帝國今非昔，歷史文明兩柱高。

中華民國開國 100 年紀念 許翼雲

中華百載建規崇，常嘆先賢未竟功。
但願後人能繼武，全民攜手眾心同。

雪後偶感 王顏鑄

壓枝雪墜覺餘香，明滅深叢是夕陽。
花謝花開人自老，春來春去夢猶長。

《讀山西抗日英雄歷史故事》-感慨
繫之並為痛惜時局而作 王顏鑄

青山何處埋忠骨？黃土空悲雁門關。
欲供龍庭天下豔，誰人紙醉正酡顏？

滇池海鷗* 季肇瑾

冬日春城故國行，滇池鷗影漫長汀。
翔姿萬態追濤過，舞盡人間異域情。

註：冬日，數以萬計西伯利亞海鷗飛越喜馬拉雅
山脈去昆明度冬。其群勢壯闊，翔姿俊逸，真乃大自
然奇觀也。

遊青海登日月山有感 劉秀群

山名日月憶文成，萬里祈連萬里情。
淚洒丹霞滴青海，不為蒼昊為生靈。

懸空寺 丁楚文

絕壁飛崖寺吊空，巧思巨匠顯神工。
幾椽細木支廊底，金閣樓台半面風。

辛卯新春寄友(用新韻) 高亦涵

翰有墨香詩有味，人迎新歲物迎春。
還將一縷幽思意，付與東風寄此心。

昭君曲 林佩娟

青冢現今已擴建。匈奴文化博館，單于大帳，昭
君歷史紀念館，和親園，皆展示當時游牧文化和
中原古樸文化交融特色。由於現在已很難區別胡
人和漢人更強調掃除文人墨客千年來對胡人的民
族偏見和偏頗之詞。

出塞明妃留朔漠。欲歸不得漢恩薄¹。
胡恩自深兵靖寧，巾幗功績超衛霍²。
青冢擁黛千載存，感念文化交融諾³。
人工積土夯筑壘。巍峨壯觀未蕪沒。
石雕物像神道伴。雄鷹展翅單于館。
百米碑廊舊文辭，和親銅像相顧暖。
胡漢難分今已真，魂兮歸矣任遨返。

註 1：呼韓邪單于去世後，昭君上書求歸，被成帝所拒。
註 2：衛青，霍去病。註 3：胡人當初無土葬習俗。

木蘭花令·添富六十詞以壽之用
山谷翰林本是神仙謫韻 陳新雄

青蓮居士飛仙謫。側帽風流傾座席。知君原是賞音人，周甲自當浮大白。相隨終始天容碧。今日見邀來作客。吾心悅樂共歡欣，不轉之心真匪石。

木蘭花令·別墓書感用山谷青壺乃是壺中謫韻 陳新雄

神仙亦有人間謫。八十年來傾座席。竭來擇地燕歸巢，別墓之兒今髮白。孝心難盡長空碧。此去他鄉還作客。未知是否老天涯，肝已生芽如竹石。

風入松·夕陽絮語 張暢繁

流光一世去匆匆。變幻也無窮。前塵往事堪追憶，神遊處，跡象朦朧。動作人嫌過慢，身軀自怕龍鐘。知交零落去如鴻。情永繫心中。夕陽漸落霜風冷，鷺回首，雪蓋冰封。任你雄才偉略，也難扭轉時空。

水龍吟·煙柳殘夢步東坡似花還似非花韻 李青瑾

灞橋薄靄濛濛，垂絲千縷情輕墜。芹泥倦羽，念前王謝，斜陽縵思。青柏猶屏，西風葉捲，東籬花閉。雨霏空躑躅，難尋淑景，悲如許，悽筋起。斷雁清秋嘹唳，奈荒庭、落英連綴。飄零煙柳，淒迷霜荻，夢殘卿碎。關塞千重，滿汀蘭芷，一江雲水。怕樓臺醉月，忽明忽滅，幾多珠淚。

註：許淑卿學姊生於屏東，適王青柏學長。

惜分飛·悼念昌祐表弟 李青瑾

閱盡滄桑塵劫顛。題馱殘柯吸泫。樂善昌言諫。累仁祐德群懷戀。月冷星沉神渙散。天隔忽聞玉管。風露思童伴。一聲阿姐肝腸斷。

搗練子·佉族筒裙 季肇瑾

山佉寨，梭聲齊。彩綫金絲穿木機。
美麗筒裙飛萬里，巧勞織女在滇西。

註：訪雲南西部佉族山寨，寨子裏還保存傳統手織技藝和工具。承女主人贈送自織的美麗筒裙，故詠之。

追尋 高亦涵

湖邊折柳，
月榭輕吟，
花間把盞，
松下弄琴，
逸興過飛誰共賞，
情深何處覓知音。
看紛紛濁世，
漾漾紅塵，
行遍四海，
空惹征痕。
縱天涯芳草，
關山難越，
相見更無因。
只剩得，
半幅寒梅，
一枕幽思，
暮雨朝雲。
悵嘆舊歡如夢，
浮生無處追尋。

老友“怡妹兒”* 周涓

大雪紛飛“怡妹”到，寒天頓換春風調。
隔洋隔海問平安，朋友看來老的好。

註：“怡妹兒”，即 E-mail。

本刊若有勘誤，將更正於詩友社網站之電子版

華府詩友社網站：www.classicalchinesepoetry.com